

清微仙譜序

道在太極之先 何謂也 未有天地 已有大極 其容有先乎 吾聞之經曰 元名天地之始 始也者 豈非先天地而有者乎 今夫 天 日月之往來 風雨之散潤 雷霆之鼓動 人知其為天之造化 而不知其為是道之功用也 嗟夫 使是道之功用 一息而不運乎其 間 則天之造化息矣 易 不云乎 大哉乾元 萬物資始 乃統天 又曰 先天而天弗違 天且弗違 而況於人乎 況於鬼神乎 而 是道之秘 始不容於不洩矣 故其傳始於元始 二之為玉晨與老君 又再一傳衍 而為真元、太華、關令、正一之四派 十傳至昭凝 祖元君 又復合于一 繼是八傳 至混隱真人南公 公學極天人 仕宋為顯官 遇保一真人 授以至道 遂役鬼神 致雷雨 動天使 陸仙曹 晚見雷困黃先生 奇之 悉以其書傳焉 先生覃思著述 闡揚宗旨 而其書始大備 凡有祈禱 若持左券而能不動聲色 以取償責報於渺茫沖漠之中 弗爽晷刻 何其神也 一時王公大人 爭欲羅致 四方來受學者以千數 或窺一斑 或剽半甲 驟加試用 靡不策效 然先生寶其書 不屑以授人 故學者浩浩 鮮睹大全

清微仙譜

清微藏書閣

之秘 近膺詔命入覲 得旨還山 予始獲登先生之門 每燕暇從容 與論道妙 必極反復 雖予際遇於先生為最後 而受教於先生為 最深 間一日語予曰 某老矣 閱人多矣 未有默識心通 篤信力 行能如子者 此殆天授 非人力也 因悉出所受南公書以授之 采 拜受之日 私竊自誓曰 采雖晚出先生之門 能淑先生之教 今又 獲先生之書 敢不廣其傳 俾千劫之下有目者 咸獲爭先快睹不更 復有望蓬萊隔弱水之歎 敬錄諸堅梓 嘉與四海有志之士共之 因為之說曰 是道也 原之於其始 固已先天地而有 要之於其終 又將後天地而存 嗚呼 其行與之俱傳於無窮矣 至元癸巳純陽 月純陰日 建安後學陳采焚香拜手謹書

清微仙譜

清微道宗元始上帝 至真大道 無形無名 虛無自然 萬化之 祖孰得而言 昔浩劫之先 凝炁成象 露至玄至妙之蘊 錫玉宸道 君 後名妙玄經應化玉冊 秘於清玄玉英之館 道君即太易元炁之 應運 高拱上清 敷弘至道 體至極至靈 為玉式符 而授於清微 真元妙化天帝 名邇憑應運開圖 敷天佐極 高居太漠 洞妙自然

恢張萬範 與道長存 秦時 降邾國都洞妙保化宮清微妙化府
一名元始萬化宮妙化府 帝狀 青袞服
九天妙道真運元君楊徹 元君乃元始 一炁之化身 青首被髮
龍體 乘流火出入三界 號雷霆樞轄之神 秦時 降河中府都九
天長原宮 後敷弘大道 運玄妙經 授九天洞明元君許齡卿 元君
秦時降劍州 鳳日月眉 餐髻 如二三十歲人 衣綠衣 常執玉冊
與道混融 神變莫測 居九天洞清育玄宮 以玄都玉梵發而為章
授玉堂天山真人朱軒 真人秦東京人 美鬚面白龐眉 因周室將
微 世道混亂 入閩州拜許元君 證道登真 居金華山太清宮鳳凰
閣玄靈宮 後以雷元振光之章 授太玄青惠招化扶桑真君卜冀 真
君頂綠王之冠 面色瑩白如玉 隨州人也 因秦亂避患入閩州 拜
朱真人 潛虛道妙 位證太玄 真人居角、亢二星之中昭靈府 以
大道元量元光玉符 授昭凝神耀保天道化元君廣溶 元君降秦時
鄂州人 於歲亂離入西京城 得玉符之妙 會道凝玄 漢高皇平定
後 於河南府昇真 居海上神州神耀府 以玉英寶章 授明清道華
元君丘沐 元君漢初壽州人 得寶章之旨 總萬炁而會天昌 居太

清

微

仙

譜

清微藏書閣

上左宮 都曠平府 後以道樞授秦明清惠真人師復 真人漢代人也
乃東華大帝化身 神毅特達 體天運道 都龍丘山通明洞
清微洞光寶衡紫華元和明道太一神景元君王宏 一名正宏 元
君滿月相 一字眉 鳳目 披髮 仗劍 朱履 太一月孛化身 統
理玄樞 都玄都太沖樓右紫輝宮 後以清微隱訣元始萬神香 流於
人間

通妙元化太一沖和元君謝晉剛 元君太極凝真 元始別體 隱
化神變 未究始終 常幻質為微眇 人莫能識 默運樞軸 策役萬
靈 不假符圖紙朱有形之物 隨寓成形 發揮道妙 有內訣口口相
傳於世 都暘谷壇左瓊瑤玉臺沖和府
清微茂晨保運金明元君彭涵原 元君雙髻 面色如玉 月眉鳳
目 笑容 素衣 絳裙 仗劍 乘火龍 居井鬼二星之間丹昭府
領丹昭風火雷霆三萬眾 自為帥 以清微妙要流傳人世
西華通惠元君龐俏道 元君掌元始禁 書 瓊章鳳紀 保制劫
運 安鎮乾坤 雲冠 青服 顯漢神爵年間 後寓庚除治 治在漢
州絲竹縣 去邑二十五里 有二處 居西華廣真宮 出三道三經

統御三界 後化身為太和伊玄元君宋益誠 領三天演教之任 居茂儀府

靈妙和澄元君需東 元君東漢彭州人 仙姿端肅 會道自然 應世為師 名號不一 掌清微之妙道 居瓊和府

高明大使至道玄應神功妙濟真君許遜 事跡見本傳 真君得先天之妙 扶世濟民 不可紀述 故戒文有云 金書玉篆傳于世 不可輕泄不可秘 後示淨明法於後代 蓋內訣幽遠 其可擬諸形容

居玉都清慶宮 領天機省 主持清微之妙 南陵浮光天官朗期 天官南陵尊帝 掌握雷樞 唐降西京 出

書度人 帝狀 衰服 居南極浮光宮 護明元妃玄光聖母王說 字渙 一名玄光 聖母護明玉隆丹剛

清華元妃紫光元君清華元妙宮 元君素華金母之玄精 天一玄斗之靈神 統攝河源 制御水闕 四暝大神悉隸 主領出書 降于唐時

主張教法 領清微之奧 居東海景清宮 後化身為清微元機元靈元君龍汲 雙鬢 玉女相 面微赤 紫衣 綠裙 仗劍 乘白龍

居洞元府 有清微演運流轉 又化身為清微靈和元君管靜卿 鳳冠

清微仙譜

清微藏書閣

玉相 自然眉 鳳目 紫服 碧裙 大帶 朱履 執圭 以清微

秘旨出書度人 都清微天中靈光宮闕下 居璋元府 又化身為靈光聖母朱燧 龍冠 綠服 唐昭宗時 在桂陽軍江渚石上 以清微先

天之奧 授金闕昭凝祖元君 上清啟圖 上清高聖玉宸大道君 陰陽混合迴風凝帝一之尊 紫白交馳運

道會希夷之表 出書應劫開教度人 授于紫宸太華大天帝 體道凝玄 開明萬有 帝狀 絳服 都太微華明宮 以道授于金闕帝宸太

平後聖玄元上道君 道君運玄濟物 三界尊崇 帝相 袞服 都金闕紫虛宮 依俯仰之格 授之太華西真萬炁祖母元君 元君一炁孕

真 群仙教主 生生化化 莫不由之 口口相傳 不記文字 都白玉龜臺西金太素宮 以道授之金闕上相方諸東華司命木公青童道君

道君符九陽而育物 總萬化以朝元 帝相 青服 都方諸宮 金闕上傳白山宮玉仙清淵太素元君李 元君咸陽人 神通變化

仙傳具述 位三天為上傳 領中嶽事 承上清之宗旨 后服有元始一炁玉策及文素經流傳 玉仙山在中嶽東北九十里

金闕上宰西城總真人王遠 字方平 見仙傳 綠服 真人相
三牙鬚 鳳目 居金闕成昌宮闕下左府也

小有天王清虛真人王哀 字子登 一名太素抱一真人 事見仙傳 眉微黑 鳳目赤色 紫服 真人相 居小有博懼宮闕下中府也

諸真以道樞授之金闕上保高元紫虛元君魏華存 字賢安 元君事見本傳 握符應運 主治雷霆玉字金書 綱維道法 上清冠 絳服

居高元紫虛宮左府治高元宸照宮 即上保太丹宮南極元君 後化身為清微黑樞元皇元君李謙 出書應世

照靈光惠冲應元君字文汲 內諱清淵
元君主梵清景機 緘治天地人崇籙 有玉策以詔 後來居海上

離農山冲華府
真人事見茅山仙傳大洞譜系 居紫章丹會宮

東華上相上清仙翁許翮 小字玉斧
仙翁事見茅山仙傳及大洞譜系 真人相 綠服 居紫陽晨雲宮

右府闕下
上清元君西華聖母 一名靈寶淨明黃素天尊 乃黃堂靖謚母也

清微仙譜

清微藏書閣

母名嬰

事見仙傳 得上清高仙上明玉書三章 港修至道 感斗中孝道

明王 付之隱文 華冠 紫服 居西華諒光宮 掌元始圖書之府
以道授之九州都仙太史高明大使許遜 授之大清泰玄元君文慵 元

君唐人 得上清神變之道 飛遊乾坤 至西京神化溪 以其道妙授之祖元君 相如美女 寓形不一 居景輝泰和宮

靈寶宗旨

玉晨道君 靈寶天尊 三炁會真 元炁化生萬有天尊 垂慈利物 普度無窮 故靈寶為萬神之宗 玉簡瓊文 廣受開化 敷弘至

道 詔于太玄玄一真人 玉清妙道青陽天君鬱羅翹 青服 治玄都

應明府龍梵宮 居青陽玄上宮
太玄玄二真人 上清妙化丹陽天君光妙音 紫服 治玄都宗蒼府溥

昭宮 居丹陽玄中宮
太玄玄三真人 太清妙感紫陽天君真定光 白服 治玄都正昌府廣

清宮 居紫陽玄成宮
右三真人 並天尊相 位高太極 號應三清 道君授之應化真

符 主執黃錄院靈寶大法司 靈寶三十六君二十四符悉隸焉 太極
真人徐來勒 事見仙傳 真人得太極函三之妙契中盟五法之規 居
太極皇耀宮闕下 後授之太極內相上清沖應孚佑真君左宮仙公葛玄
字孝先 事見仙傳 束吳時人 得徐君之妙道 遍歷名山 感太
極三真人 下授三洞寶經 惟務濟度 名列帝庭 居太極靈曹宮
出葛仙起居註 治太極省 授太極慶融北靈內輔真人鄭思遠 真人
得師靈寶之宗 位隆上品 餘記仙傳 居太極元沖府闕下 後授之
抱朴小仙翁葛洪 仙爺得太極之心傳 遍禮福庭 超登金闕 有文
籍傳于世 後授太清泰玄元君文慵 而祖元君繼之

正一淵源

太上玄元老君 正一之旨 出書時號之 異名一道貫之 奚有
分別 當漢之末 人心澆薄 莫此為最 太上憐憫群生 初非得已
人能知不傾不二之理 又何待天尊之設教也 至於遷善遠罪之誨
授經傳籙之式 不過誨人為善 授以至人 一新厥德
三天聖師泰玄上相正一真君張道陵
事見仙傳 漢子房之後 沛人 生而神靈 博究文學 感太上

清

微

仙

譜

清微藏書閣

親授以盟威之道 漢帝徵之不起 永壽二年白日上昇 治泰玄省
領元輝府 居玉素元都宮
嗣師太清真人侍中張衡 乃真君長子 事見仙傳
系師太清真人閻中侯張魯 乃真君次子 事見仙傳
女師君長文姬 陵王妃 次文光三賢 燕王妃 四芝四師 俱
飛昇隱化 後代出有入無 以道授之太清泰玄元君文慵 而祖元君
得以襲慶焉

會道

清微侍元上宸玄都總真九炁元靈夫人
太皇景明洞陽金闕昭凝妙道保仙元君祖舒 一名遂道 字昉仲
月孛化身 降唐昭宗時 廣西零陵郡人 面棗黑色 大目 身長
七尺 幼存節操 生而神靈 父母莫能禁 遂入道 遍歷名山 至
桂陽軍江渚石上 遇護明元妃 化身靈光 聖母授以清微自然先天
之奧 或竹釵袒臂 仗劍坐石 嘯命風霆 飛行人世 繼至西京近
地 山中清虛 洞神化溪 感太清泰玄文元君 化形美女 濯于溪
濱 師執巾侍之 奉迎至岸 凡數夕 變現男女猛獸 異相 歷試

諸難 殊無怠意 知其誠確 乃召使乘木筏訴流 次復故所 悉以
上清靈寶道德正一之旨付之 隱而不見 師總五派之奧 統轄雷霆
變相不一 或乘龍仗劍 策役萬靈 或金冠素服 尊居洞府 性
烈令肅 雖雷神亦加嚴勵 今治清微洞照府 主持教法 嗣教之士
宜竭忠誠 稍或有違 嗔責立至 又號通化一輝元君 後化身為
清微察令昭化元君休端 大髻 面白相 柳眉 杏目 青衣 金甲
執斧 乘黑龍 居陽華府 有清微演道流傳 瓊室內應洞清元君
郭玉隆 又號上景元君 祖元君門弟子也 京師人 仙姿嚴肅 紹
襲師源 位清微太霞侍宸居紫虛府
紫光曜真福和元君傅央情 字子方 郭元君門弟也 鄂州人
秉純一之節義 繼前代之樞機 位至三天上輔 居西海太華山昌耀
府
龍光道明元君姚莊 字淑奇 又號廣昌元君 傅元君門弟也
西京人 統御雷霆 克符道要 位一 二天侍經 居隆慧府 又曰廣
顙沖和府
祥源紫英玉惠元君高爽一 號紫清妙化玉英靈惠元君 姚元君

清
微
仙
譜

清微藏書閣

門弟也 生於燕地胃山碧澗之間 神光滿室 長襲師源 位三天侍
御 又號高運紫英元君 居洞耀景豐府 次授西華清虛真人華英
真人鳳翔人也 圓目 美鬚 掛冠學道 豐品三天 位清微明元左
卿洞陽上宰 後授青城通惠真人朱洞元 真人成都人也 圓目 美
鬚 隱居青城 敷宣雷奧 位清微洞衛上卿神霄玉樞使 次授雲山
保一真人李少微 房州保峰一水人也 所居故址猶存 人稱為李雷
公宅 真人先以宦族世家房陵 棄俗悟真 感師授道 位清微都元
右卿 後見天吏下降 傳宣王勸令 任五雷院使 後昇飛遊三界
隱顯莫測
眉山混隱真人南畢道 真人本覆姓東南 名珪 丙辰十一月初
三日寅時生於眉山 幼擢儒科登仕版 嘗倅湖右 夜夢神人語以師
至 達旦郊迎 果肖夢中之相 詢其姓名即保一真人也 迎歸待以
師禮 數以難事試之 堅心如金石 遂悉付以億奧 傳授既畢 欽
化金光而去 後領廣漕 臨午見朱衣天吏 自天下降云 奉上帝命
子可授斗中六通掌水使者 仍清微保和仙卿 後佐宋理宗 數諫不
從 歸隱 不知所在 人以為仙去

碧水雷困真人黃舜申 先生閩中世家 名應炎丹山人也 即今
建寧府 甲申閏八月初五日未時生 以祖父蔭生而奇異 貌古清絕
性質穎悟 經史百家靡不通貫 年十六侍父為廣漕幕師病 南真
人以符療之 雷震于庭 其疾頓痊 觀其骨相合仙 悉以所傳付之
寶祐中 出為檢閱 宋皇兄趙孟端節使皆師事之 理皇召見 御
書雷困真人四字以賜之 至元丙戌 詔赴闕庭 奏對明敏 上禮敬
之 未幾乞請歸山 得旨俞允 仍賜輕車以還 先生門弟幾百餘人
今清微道法大行於世 然得其樞奧 闡揚靈驗 亦多其人抑 師
嘗序雷霆綱目云 五陵之驗 至人出矣 將必有拔茅連茹者在 豈
其然乎

天運辛卯年辰月正一天師清微派弟子洪鼎堅恭錄

清

微

仙

譜

清微藏書閣